



SLUŽBENE NOVINE

KANTONA SARAJEVO

Godina XVI – Broj 4

Četvrtak, 17. februara 2011. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 12. stav 1. tačka f) i l), člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i čl. 44. stav 4. i 45. stav 1. Zakona o prostornom uređenju ("Službene novine Kantona Sarajevo" broj 7/05), Skupština Kantona Sarajevo, na sjednici održanoj 17. februara 2011. godine, donijela je

ODLUKU

O USVAJANJU "A" FAZE IZMJENA I DOPUNA PROSTORNOG PLANA KANTONA SARAJEVO ZA PERIOD 2003. DO 2023. GODINE

Član 1.

Usvaja se "A" faza Izmjena i dopuna Prostornog plana Kantona Sarajevo za period 2003. do 2023. godine (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

1. Opće i posebne ciljeve prostornog razvoja,
2. Projekciju prostornog razvoja i prostornih sistema,
3. Odluku o provođenju Plana.

Grafički dio sadrži:

- I. Izvod iz Prostornog plana Kantona Sarajevo za period 2003. do 2023. godine R 1: 20 000
- II. Saobraćaj, veze i komunalna infrastruktura . . . R 1: 15 000
- III. Sintezna karta - na geodetskoj podlozi R 1: 15 000

IV. Sintezna karta - orto-foto snimak R 1: 15 000

Član 3.

Plan je izrađen u analognom i digitalnom obliku. Grafički dio Plana izrađen je u digitalnom obliku i analognom obliku u mjerilu 1:15 000 i 1: 20 000.

Član 4.

Po usvajanju Skupština Kantona Sarajevo ovjerit će u analognom obliku tri primjerka Plana potpisom i pečatom, koji će se čuvati u arhivama Skupštine Kantona Sarajevo, Ministarstvu prostornog uređenja i zaštite okoliša i Zavodu za planiranje razvoja Kantona Sarajevo.

Sastavni dio ovih originala je i ova Odluka o usvajanju Plana potpisana od strane predsjedavajuće Skupštine Kantona Sarajevo. Svaka kopija Plana treba biti ovjerena od strane Zavoda za planiranje Kantona Sarajevo, potpisom i pečatom čime se potvrđuje da je kopija vjerna originalu.

Digitalni oblik Plana čuva se u arhivama Nosioca pripreme Plana, Nosioca izrade Plana i Ministarstva prostornog uređenja i zaštite okoliša Kantona Sarajevo.


Tekstualni dio Plana, Odluka o provođenju Plana i Odluka o usvajanju Plana objavit će se u cijelosti u "Službenim novinama Kantona Sarajevo".

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-3725/11
17. februara 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.



Na osnovu člana 12. stav 1. tačka f) i l), člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i čl. 45. stav 1. i 47. stav 1. Zakona o prostornom uređenju ("Službene novine Kantona Sarajevo", broj 7/05), Skupština Kantona Sarajevo, na sjednici održanoj 17. februara 2011. godine, donijela je

ODLUKU

O PROVOĐENJU "A" FAZE IZMJENA I DOPUNA PROSTORNOG PLANA KANTONA SARAJEVO ZA PERIOD 2003. DO 2023. GODINE

Uvod

Član 1.

Ovom Odlukom se uređuje provođenje "A" faze Izmjena i dopuna Prostornog plana Kantona Sarajevo za period 2003. do 2023. godine (u daljnjem tekstu: "A" faza Izmjena i dopuna Prostornog plana), a naročito granica obuhvata "A" faze Izmjena i dopuna Prostornog plana, kojima su obuhvaćeni stavovi Zaključaka Vlade Kantona Sarajevo broj 02-05-2683-29.1/10 od 19.08.2010. godine.

Granice obuhvata Izmjena i dopuna Prostornog plana - "A" faza

Član 2.

Ovom Odlukom uređuje se granica obuhvata "A" faze Izmjena i dopuna Prostornog plana: Granica obuhvata polazi od tačke br. 1 koja se nalazi na pružnom pojasu magistralne željezničke pruge, a ima koordinate $y = 6526690$, $x = 4856260$, potom produžava pružnim pojasom magistralne željezničke pruge (ne obuhvata ga) i dolazi u tačku br. 2 koja se nalazi na medi između parcela k.č. 4142 i 4117, a ima koordinate $y = 6531835$, $x = 4857140$. Granica obuhvata produžava na jug idući ulicom Hamdije Čemerlića k.č. 3349/1 (ne obuhvata je), potom skreće u pravcu jugozapada, te sjevera idući magistralnom cestom (ne obuhvata je) i dolazi do tačke br.1, odnosno mjesta odakle je opis granice i počeo.

Površina obuhvata iznosi $P = 277,54$ ha.

Namjena prostora

Član 3.

Ovim Planom vrši se promjena namjena prostora u obuhvatu iz člana 2. ove Odluke i to:

- radno poslovna zona se pretvara u poslovno - radno - stambenu zonu u obuhvatu koji se nalazi na području Općine Novo Sarajevo i Općine Novi Grad Sarajevo,
- zone privrede u obuhvatu koji se nalazi na području Općine Novo Sarajevo pretvaraju se u poslovno-radno-stambenu zonu,
- zone društvene infrastrukture u obuhvatu podrazumijevaju namjenu objekata društvene infrastrukture i stanovanja.
- površine definisane za "privredu" koju čine površine Tvornice namještaja "Top-meblo - Standard" i tvornice "Zora" transformišu se u tehnološki ekološko prihvatljive kapacitete.

Obim i način korištenja prostora u navedenim zonama bit će preciziran detaljnom analizom i izradom druge planske dokumentacije (Urbanistički plan za urbano područje Sarajevo, provedbeni planovi).

Završne odredbe

Član 4.

"A" faza Izmjena i dopuna Prostornog plana je sastavni dio Prostornog plana Kantona Sarajevo za period od 2003. do 2023. godine ("Službene novine Kantona Sarajevo", broj 26/906).

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-3725/11
17. februara 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 12. stav 1. tačka f) i l), člana 18. stav 1. tačka b) Ustava Kantona Sarajevo ("Službene novine Kantona Sarajevo" broj 1/96, 2/96, 3/96, 16/97, 14/00, 4/01 i 28/04) i čl. 45. stav 1. i 47. stav 1. Zakona o prostornom uređenju ("Službene novine Kantona Sarajevo", broj 7/05), Skupština Kantona Sarajevo, na sjednici održanoj 17. februara 2011. godine, donijela je

IZMJENE I DOPUNE PROSTORNOG PLANA KANTONA SARAJEVO

ZA PERIOD OD 2003. DO 2023. GODINE "A" FAZA - IZMJENA I DOPUNA PROSTORNOG PLANA KANTONA SARAJEVO ZA PERIOD OD 2003. DO 2023. GODINE

I. OPĆI I POSEBNI CILJEVI PROSTORNOG RAZVOJA

1. OPĆI CILJEVI PROSTORNOG RAZVOJA

- Usklađivanje politike racionalnog korištenja prostora sa očekivanom izmjenom strukture djelatnosti, sa ciljem formiranja novog pristupa strukturi potrošnje;
- Održivi razvoj bazirati na kompatibilnosti okoliša sa ekonomskog, kulturno - socijalnog i prostornog aspekta;
- Reduciranje nepovoljnih uticaja u okolišu.

2. POSEBNI CILJEVI PROSTORNOG RAZVOJA

- Transformacija namjene radno-poslovne zone u poslovno-radno-stambenu zonu;
- Transformacija privredne zone u zone sa ekološki prihvatljivim tehnologijama;
- Optimalna i racionalna organizacija, korištenje i zaštita prostora;
- Ekonomski efikasnije korištenje zemljišta;
- Profiliranje prostora kao ambijenta profitabilne ekonomije;
- Obezbjedenje zadovoljavanja potreba stanovništva sadržajima društvene infrastrukture u predmetnom, gravitirajućem i širem području;
- Rekonstrukcija, unapređenje i razvoj transportne, energetske, vodoprivredne i telekomunikacione infrastrukture u skladu sa planskim određenjima;
- Realiziranje regulacije rijeke Miljacke;
- Povećanje energetske efikasnosti;
- Korištenje prostora specijalne namjene za druge svrhe (saobraćaj);
- Zaštita ljudi i dobara od elementarnih nepogoda.

II. PROJEKCIJA PROSTORNOG RAZVOJA

Sarajevo je glavni grad države Bosne i Hercegovine. Samim tim je centar države za sve funkcije tog dometa i međudržavni centar uz poseban naglasak na domete u Jugoistočnoj Evropi (zapadni Balkan), u okviru koje Sarajevo predstavlja jedan od centara tog sistema. Naime, Sarajevu koji je postao glavni grad države, se višestruko mijenja položaj u međunarodnim okvirima. Otvaraju se mogućnosti, ali i potrebe za prostornim promjenama radi pojave novih funkcija i objekata sa sadržajima čije gravitirajuće zone izlaze iz domena državnih granica.

Neosporno je da se predviđeni razvoj gradskih centralnih površina kreće logično sa razvojem grada, u pravcu njegove osovine razvoja istok-zapad. Ono što čini očit nedostatak u tome,

je da funkcije centraliteta ne prate stambene zone Alipašinskog polja, Dobrinje i svih naselja Sarajevskog polja. To je jedan od razloga negativnih pojava urbane organizacije linearnog (longitudinalnog) grada, koji kroz duži prethodni period ne prati adekvatan razvoj funkcija centraliteta a posebno društvene infrastrukture.

U gravitacionom pogledu prostor Stupa sa razvojnim pravcima: na istoku od II transverzale, prema zapadu do centra Ilidže, prema sjeveru izlaznom komunikacijom do autoputa Vc (gdje ovaj prostor izlazi na međunarodnu putnu komunikaciju - EU autoput Vc, čime se gravitirajuće područje otvara na jednu od najznačajnijih veza srednje Evrope i Mediterana), i prema jugu veza sa međunarodnim aerodromom, pruža mogućnost za razvoj funkcija centraliteta najvišeg reda, i to društvene infrastrukture, ali i privrede i saobraćaja.

Ovaj prostor, u geomorfološkom i geoprometnom smislu, je prostor kojim postoji grad Sarajevo iz svoje kotline izlazi u prostor Sarajevskog polja, čime se prometno na najefikasniji način veže za svoju gravitirajuću zonu, pružajući tako vrlo efikasne veze sa širom regijom, ali i prostorom države i okruženjem.

Komuniciranje sa tim prostorom je već danas naglašeno, međutim još uvijek nedovoljno za snažnije pojave funkcija centraliteta iz grupe društvene infrastrukture, posebno na dijelu koji se odnosi na Novi Grad.

Funkcije centraliteta Sarajeva, na kojima grad treba da dobije više identiteta kroz različitosti funkcija, su i sadržaji na transverzalnim saobraćajnicama od Marijin Dvora do Ilidže. Transverzalamama sa sadržajem prilagođenim karakteru gradskog centra "razvlačimo" grad u širinu, postižu se efekti ujednačavanja gradske "atmosfera" što u urbanom konceptu Sarajeva nedostaje.

Funkcije centraliteta, a posebno za one iz grupe društvene infrastrukture, trebalo bi tražiti, između ostalog na prostoru od II do XII transverzale zapadno od Otoke, sa naglaskom na prostor Stupa i Nedžarića, zatim između Ulice Zmaja od Bosne i Bulevara Meše Selimovića i željezničke pruge, na prostoru Alipašinskog polja, poteza uz saobraćajnicu prema Ilidži i izlazu iz Sarajeva na lokalitetu "starih Energoinvestovih Instituta", kao i uz staru saobraćajnicu za aerodrom na lokalitetu Nedžarića. Pojava ovih funkcija centraliteta - centara višeg reda obogatila bi urbanitet Sarajeva u području Novog Sarajeva, Novog Grada i Ilidže.

Obuhvat Plana (Izmjene i dopune Prostornog plana Kantona Sarajevo za period 2003. do 2023.- A faza) nalazi se na longitudinalnom pravcu širenja grada, prema Sarajevskom polju, na razvojnoj osovini grada. Kroz koncepciju razvoja taj prostor se definiše kao nastavak longitudinalnog centra sa sadržajima društvene infrastrukture i stanovanja, koja je jedna od funkcija opštegradskih multifunkcionalnih centara, uz nužnu transformaciju proizvodnih kapaciteta.

Prostorni razmještaj stanovanja i društvene infrastrukture će se odvijati uz longitudinalne pravce Zmaja od Bosne, Paromlinsku, Bulevar Meše Selimovića i Džemala Bijedića, kao i uz postojeće i planirane transverzale /od II do XII/. Kapaciteti nedostajuće društvene infrastrukture će zadovoljavati potrebe budućih stanovnika na tom prostoru, a naročito stanovnike koji mu gravitiraju.

Uvođenjem novih tehnologija koje podrazumijevaju reduciranje nepovoljnih uticaja na okoliš i transformacijom postojećih proizvodnih kapaciteta uz racionalno korištenje zemljišta, stvorit će mogućnost da se u ovaj prostor inkorporiraju sadržaji savremenih vidova stanovanja i nedostajućih sadržaja društvene infrastrukture.

Unutar poslovno radno stambenih zona sa infrastrukturnim i lokacionim prednostima uz magistralnu željezničku prugu zadržava se prostor za nesmetano funkcionisanje modernog robno-transportnog i distributivnog centra u smislu trgovine na veliko, kao jednog od značajnih faktora razvoja Kantona Sarajevo, pa i šire.

Tako se zona koja je Prostornim planom Kantona Sarajevo za period 2003. do 2023. godine bila definisana kao "radno-poslovna" i to na području Općine Novi Grad i Novo Sarajevo, kao i "privredna" zona na području Općine Novo Sarajevo ovom Projekcijom Plana definiše kao "poslovno-radno-stambena" zona. To su površine koje zauzimaju prostor od XII transverzale (na zapadu) do II transverzale (na istoku) i od željezničke pruge (na sjeveru) do Ulice Džemala Bijedića i Zmaja od Bosne (sa južne strane) od 277,54 ha.

Površine koje su definisane Prostornim planom Kantona Sarajevo za period 2003. do 2023. godine, a Projekcijom prostornog razvoja Izmjena i dopuna Plana zadržavaju svoju namjenu, su:

- površine "društvene infrastrukture" koje prate Bulevar Meše Selimovića od XII transverzale (na zapadu) do X transverzale, od IX transverzale do RTV-a i prostor od Dom zdravlja "Kumrovec" do III transverzale (na istoku), kao i kompletan prostor od III do II transverzale, između ulice Zmaja od Bosne i željezničke pruge.
- površine definisane za "privredu" koju čine površine Tvornice namještaja "Top-meblo - Standard" i tvornice "Zora" transformišu se u tehnološki ekološko prihvatljive kapacitete,
- površine "saobraćaja i veza" koju čine saobraćajnice, željeznička pruga, kolosjek koji opslužuje Robno-transportni centar, površine Gras-depo tramvaja, RTV i površine depoa trolejbusa, autobusa i minibusa (postojeća Kasarna Safet Zajko) i
- površine "stanovanja" koje se nalaze na istočnoj strani obuhvata, u Općini Novo Sarajevo na potezu između VI i II transverzale.

1. PRIRODNI IZVORI I USLOVI

Na većem dijelu prostora teren je stabilan i uslovi sa aspekta inženjersko-geoloških karakteristika su optimalni za izgradnju objekata.

2. STANOVNIŠTVO I STANOVANJE

Promjenom namjene radno-poslovne i privredne zone u poslovno-radno-stambenu zonu, uvode se komplementarni sadržaji na prostoru obuhvata "A"-faze Plana. Ovo podrazumijeva i uvođenje funkcije stanovanja u manjem obimu u ovaj prostor u cilju oživljavanja prostora u cjelodnevnom periodu.

Pored postojećih stambenih zona u Novom Sarajevu, u okviru prostornog obuhvata, stambena izgradnja se usmjerava uz transverzalne saobraćajnice i na potezu uz sjevernu longitudinalu, u obimu i formi koja će biti predmet razrade prostorno planske dokumentacije nižeg reda. Samim time će se povećati i broj stanovnika u samom obuhvatu.

3. PRIVREDA

U profiliranju privrednih kapaciteta, a uvažavajući raspoložive resurse (geografski položaj, infrastrukturne kapacitete, energente, ljudske resurse) i postavljene ciljeve, potrebno je racionalno koristiti zemljišta uz uvođenje novih tehnologija koje podrazumijevaju reduciranje nepovoljnih uticaja na okoliš i otvaranje mogućnosti za promjenu namjene radno-poslovne zone u poslovno-radno-stambenu zonu, što podrazumijeva postepenu funkcionalnu transformaciju proizvodnih u ekološki prihvatljive zone.

Unutar proizvodnih zona sa infrastrukturnim i lokacionim prednostima (opremljenost saobraćajnom i komunalnom infrastrukturom), zadržati samo one kapacitete koji, uz uvođenje novih tehnologija, mogu i dalje egzistirati i razvijati se u pravcu ekonomsko rentabilnih i ekološki održivih preduzeća, oslanjajući se na radno sposobne stanovnike kontaktnih zona stanovanja. Neophodno je zadržati prostor za nesmetano

funkcionisanje robno-transportnog i distributivnog centra, kao jednog od značajnih faktora razvoja Kantona Sarajevo pa i šire.

4. DRUŠTVENA INFRASTRUKTURA

Prostor u obuhvatu Plana nalazi se između jakih grupacija stanovanja sa širokim gravitirajućim područjem: na jugu naselja Alipašinog polja, Otoke, Švrakinog Sela, Aneksa i Dobrinje, a na sjeveru naselja Boljakov Potok, Buća Potok i Vitkovac, Velešići i Pofalići, gdje izgradnja kapaciteta društvene infrastrukture nije u potpunosti pratila razvoj tih naselja.

Uz površine planirane za ove sadržaje i transformacijom privrednih kapaciteta ovaj prostor pruža mogućnost za angažovanje i razvoj sadržaja društvene infrastrukture, čime bi se zadovoljile potrebe gravitirajućeg stanovništva okolnih naselja, kao svakodnevnih potreba stanujućeg stanovništva. Razvoj funkcija centraliteta u urbanom smislu podići će kvalitet stanovanja u kontaktnim zonama, te stvoriti osjećaj gradske atmosfere i u novim dijelovima grada.

5. KULTURNO-HISTORIJSKO I PRIRODNO NASLIJEĐE

Evidentirani i zaštićeni spomenici baštine Sarajeva, registrovani na ovom prostoru (Ishodišna kuća porodice Merhemić - srušena, Fabrika sapuna Astro fabrika, Katolička crkva Presvetog Trojstva i Vaso Miskin Crni), predstavljaju dokumentacionu i kulturološku vrijednost historijskog razvoja grada i zavisno od valorizacije građevinske vrijednosti, koja će se ustanoviti provedbenim dokumentima, bit će revitalizirani u skladu sa opredjeljenjima i uvjetima nadležne institucije za zaštitu kulturno historijskog naslijeđa.

6. SAOBRAĆAJ I VEZE

6.1. Saobraćaj

Mreža cesta i ulica

U tretiranom obuhvatu i neposrednom okruženju od planiranih primarnih saobraćajnica treba izdvojiti izgradnju, rekonstrukciju i dogradnju:

- na pravcu istok - zapad Gradski autoput, postojeću Glavnu gradsku magistralu i Sjevernu longitudinalu,
- na transverzalom pravcu Dvanaestu, Devetu i Šestu transverzal.

Javni prevoz putnika

U području obuhvata, na lokaciji sadašnjih vojnih objekata u Halilovićima, je planirana realizacija depoa trolejskog, autobusnog i minibusnog saobraćaja.

Postojeći depo tramvajskog saobraćaja se zadržava uz planirano proširenje i na dio sadašnjeg autobusnog depoa.

Terminali

Na osnovu iskazanih potreba i sagledanih prostornih mogućnosti razvoja definisane su lokacije putničkih terminala. U neposrednoj blizini obuhvata planiraju se i terminali na Otoci i Stupu.

Teretni terminali i lokacije za skladišno-pretovarnu djelatnost, kako zbog znatne složenosti u Sarajevu, tako i zbog trenutnog stanja željezničkog saobraćaja, će se detaljnije tretirati u daljim fazama izrade razvojne i provedbene planske dokumentacije.

Željeznički saobraćaj

U prevozu roba željeznica će biti dominantni prevoznik masovnih tereta, kako u domaćem tako i u međunarodnom saobraćaju. Za ovaj vid saobraćaja posebno je značajno planirano uključivanje željeznice u javni prevoz putnika na pravcu Tarčin - Hadžići - Ilidža - Sarajevo - Vogošća - Semizovac - Podlugovi - Visoko, pri čemu treba napomenuti da je željeznička stanica Alipašin Most locirana uz sami obuhvat i veže se za Robno-transportni centar.

6.2. Veze

Pošta

Neophodno je uvesti nove racionalne oblike transporta poštanskih pošiljaka, čime se neposredno utječe na podizanje ukupnog nivoa kvaliteta usluga i skraćivanja vremena prijenosa i uručivanja poštanskih pošiljaka.

Telekomunikacije

Planirano je uvođenje nove generacije mobilne telefonije, kako "treće" tako i "četvrte" generacije. Posebna će pažnja biti posvećena izgradnji novih baznih stanica i proširenju kapaciteta postojećih, kao i da će biti usmjerena na preces internetizacije i uvođenja Bosne i Hercegovine u informaciono društvo.

Planira se masovnija upotreba ADSL tehnologije koja osim prenosa glasa omogućava prenos više kanala slike kao i brzi pristup internetu.

Radio i televizija

U planskom periodu prioriteti u ovoj oblasti su:

- racionalno korištenje postojećih kapaciteta za narasle potrebe javnih emitera,
- prelazak sa analognih na digitalne sisteme procesiranja RTV signala.

7. VODE, VODNE POVRŠINE I VODNA INFRASTRUKTURA

7.1. Snabdijevanje vodom

Stanovništvo, privreda i ostali potrošači u obuhvatu snabdijevaće se vodom i u buduću u potpunosti iz centralnog vodovodnog sistema, sa istim primarnim objektima, obzirom da postoje zadovoljavajući elementi primarnog vodovodnog sistema (rezervoari i osnovni transportni cjevovodi). To stvara dobre pretpostavke da se adekvatnom izgradnjom distributivne mreže obezbijedi korektno vodosnabdijevanje u predmetnom obuhvatu.

Potrebno je izgraditi cca 30,0 km novih cjevovoda različitih profila, a cca 7,0 km postojećih cjevovoda bi trebalo rekonstruisati.

U skladu sa urbanističko-saobraćajnim rješenjima i planiranim brojem stanovnika u predmetnom obuhvatu će se planirati adekvatno opremanje distributivnom vodovodnom mrežom.

U sklopu redovnih rekonstrukcija dotrajalih cjevovoda potrebno je rekonstruisati postojeći potisni cjevovod (Ø 700 mm) u ul. Velikih drveta i vršiti radove na smanjenju gubitaka u vodovodnom sistemu (koji sada iznose cca 60-65%).

Imajući u vidu da u planskom periodu za ovo područje nema mogućnosti obezbjeđenja dodatnih količina vode, snabdijevanje povećanog broja planiranih stanovnika može se obezbijediti samo smanjenjem gubitka u vodnom sistemu, a to će zahtijevati kontinuirana ulaganja u rekonstrukciju mreže.

7.2. Odvodnja otpadnih i oborinskih voda i regulacija vodotoka

Svi potrošači u obuhvatu, sa aspekta odvodnje otpadnih voda, pripadaju centralnom kanalizacionom sistemu i nalaze se direktno u slivnom području Glavnog gradskog kolektora.

Što se tiče kapaciteta kolektora za otpadne vode, profili su hidraulički zadovoljavajući, jer su kod dimenzioniranja predviđeni da zadovolje potrebe za duži vremenski period. Osnovni nedostatak i ozbiljna smetnja funkcionalnosti je dugogodišnje neadekvatno održavanje tako da je kolektor neophodno detaljno očistiti i eventualno sanirati manje poteze.

Planirani sistem odvodnje za područje čitavog Kantona, pa tako i za obuhvat, je separatan.

Rijeka Miljacka je glavni recipijent za prijem prikupljenih oborinskih voda.

U svrhu uvezivanja u centralni kanalizacioni sistem neophodno je izgraditi separatnu kanalizacionu mrežu u skladu sa planiranim urbanističko-saobraćajnim zahtjevima.

U svrhu zaštite od voda kroz svu dosadašnju plansku dokumentaciju predviđena je regulacija najznačajnijih vodotoka, a na predmetnom području je planirana regulacija rijeke Miljacke na rang pojave velikih voda 1/100.

Potrebno je izvesti ili dovršiti cca 2 km regulacije rijeke Miljacke, te bi bilo neophodno temeljito čišćenje dugogodišnjeg nanosa u koritu kako bi se poboljšali hidraulički uvjeti.

Regulacija rijeke Miljacke je od primarnog značaja na području Halilovića gdje planirana regulacija značajno smanjuje trasu "presijecanjem" postojećeg meandra (dužina regulacije cca 600 m).

Osnovni preduslov poboljšanja kvaliteta vode u vodotocima bi bilo adekvatno opremanje separatnom kanalizacionom mrežom, korektno priključenje svih postojećih objekata i zamjena postojećih mješovitih kanala separatnim i priključenje na te separatne kanale te izgradnja planiranih lokalnih uređaja za prečišćavanje, koji su predviđeni za određena područja izvan predmetnog obuhvata, ali imaju direktan uticaj na kvalitet voda u ovom obuhvatu.

8. ENERGETIKA - PROIZVODNJA I PRIJENOS ENERGIJE

U planskom periodu će se zadržati dosadašnji osnovni koncept snabdijevanja energijom i energentima, preko primarnih sistema za kontinuiranu opskrbu energijom: elektroenergetskog i gasnog, kao i preko pojedinačnih isporuka tečnog naftnog gasa, tečnih i čvrstih goriva, putem cestovnog saobraćaja ili željeznice i odgovarajućih skladišta.

8.1. Energetske potrebe i nivoi potrošnje

Izgrađeni primarni energetske sistemi posjeduju dovoljan kapacitet za nesmetano snabdijevanje postojećih i planiranih potrošača te ne predstavljaju ograničavajući faktor.

8.2. Razvoj elektroenergetskog sistema

Razvoj elektroenergetskog sistema, u planskom periodu, odvijat će se u cilju dovođenja pogonske spremnosti i pouzdanosti na zadovoljavajući nivo, povećanja ekonomičnosti u napajanju (smanjenja gubitaka), povećanja instalisane snage, za potrebe priključenih i novih potrošača i povećanju kvaliteta u isporuci električne energije, a kroz sljedeće aktivnosti:

- intenziviranje aktivnosti na smanjenju gubitaka u distribuciji električne energije, proširenje postojećih kapaciteta transformatorskih stanica: TS 110/10 (20) kV - 2 x 31,5 MVA - Sarajevo 7 - Buća Potok,
- uvođenje SCADA sistema (sistema daljinskog upravljanja), u svim prenosnim objektima, kao i modernizacija telekomunikacionog sistema. Radi se o savremenim sistemima upravljanja elektroenergetskim objektima, njihovom uvezivanju, a sve u svrhu pouzdanog rada i povećanja efikasnosti prenosa električne energije,
- uvezivanje TS 110/10 (20) kV - 2 x 31,5 MVA - Sarajevo 7 - Buća Potok preko drugih 110 kV veza, što će dodatno povećati nivo sigurnosti i pouzdanosti snabdijevanja električnom energijom,
- zamjenu postojećih srednjenaponskih nadzemnih elektroenergetskih mreža univerzalnim kablom zbog jednostavnijeg vođenja, postizanja veće pouzdanosti, manjih troškova održavanja i manjih tehničkih gubitaka. Neophodno je izvršiti zamjenu dotrajalih srednjenaponskih mreža niskonaponskih mreža.

8. 3. Razvoj gasnog sistema

Razvoj gasnog sistema, u planskom periodu, odvijat će se u cilju obezbjeđenja sigurnog efikasnog snabdijevanja zemnim gasom.

8.4. Razvoj centralnog toplifikacionog sistema

Razvoj centralnog toplifikacionog sistema definisan je kroz aktivnosti neophodne za postizanje globalnih ciljeva, koji omogućavaju da se osiguraju pretpostavke za organizovanje pouzdanog, modernog, efikasnog i profitabilnog sistema, u obezbjeđenju funkcije javnog gradskog grijanja.

Sprovođenjem razvojnih planova (mjerenje utroška toplote, zamjena konvektora radijatorima, zamjena ručnih ventila termostatskim, kompletiranje daljinskog upravljanja i kontrole, izgradnja kogeneracijskog postrojenja itd.) očekuje se postizanje značajnih ušteda u potrebama energenata.

9. ZAŠTITA I UNAPREĐENJE OKOLIŠA

Za privredne kapacitete koji se zadržavaju kao lokaliteti i one koji će se graditi načiniti stratezijske procjene uticaja okoliša u kojima će biti definisane mjere i uslovi neophodni za zaštitu okoliša, što će istovremeno i biti uvjet daljnjeg transformisanja i funkcionisanja.

10. ZAŠTITA STANOVNIŠTVA I DOBARA

U skladu sa procjenom ugroženosti područja izgradnjom i transformacijom namjene objekata predvidjeti izgradnju novih i prilagođavanje postojećih skloništa i drugih zaštitnih objekata namijenjenih zaštiti i spašavanju ljudi i materijalnih dobara, kao i za zaštitu od elementarnih nepogoda i tehničkih katastrofa.

11. PODRUČJA POSEBNE NAMJENE

Planom je prostor specijalne namjene /bivša kasarna/ definisan kao saobraćajna infrastruktura depo za vozila JGPP-trolejbusa, autobusa i minibusa.

12. KOMUNALNI OBJEKTI I POVRŠINE

Na području općine Novo Sarajevo ovom Izmjenom i dopunom Plana zadržava se postojeći lokalitet Kantonalnog javnog komunalnog preduzeća "Rad" (u ulici Paromlinska) i to za potrebe administracije, garaže, parkinga, servis radionice za vozila, a sve prilagođeno okolini, kao savremene građevine primjerene ambijentu.

III. BILANS POVRŠINA

NAMJENA	POVRŠINA	
	ha	učešće %
STANOVANJE	32,65	11,76
DRUŠTVENA INFRASTRUKTURA	47,10	16,97
PRIVREDA	8,64	3,11
POSLOVNO-RADNO-STAMBENE ZONE	110,95	39,98
SAOBRAĆAJ I VEZE	68,89	24,83
REGULACIJA VODOTOKA	9,31	3,35
UKUPNO	277,54	100,00

Prema planiranoj namjeni površina najveće učešće imaju poslovno-radno-stambene zone (39,98%), zatim saobraćaj i veze (24,83%), društvena infrastruktura (16,97%), stanovanje (11,76%), vodne površine-regulacija vodotoka (3,35%) i privreda (3,11%).

Obuhvat "A" faze Izmjena i dopuna Plana bit će ponovo predmet razmatranja i kroz "B" fazu Izmjena i dopuna Prostornog plana Kantona Sarajevo za period od 2003. do 2023. godine.

Obim i način korištenja prostora u navedenim zonama bit će preciziran detaljnom analizom i izradom planske dokumentacije

nižeg nivoa (Urbanistički plan urbanog područja Sarajevo, provedbeni planovi).

IV. RANJIVOST PROSTORA

(Izvod iz "Studije ranjivost prostora" urađene za potrebe izrade Prostornog plana Kantona Sarajevo za period 2003. do 2023. godine)

Studija ranjivosti je postupak vrednovanja prostornih karakteristika kod planiranja prostornog razvoja. Njena namjena je optimizacija raspodjele djelatnosti u prostoru iz ugla zaštite javnog interesa na području zaštite okoliša.

Studija ranjivosti prostora, Urbanistični institut Republike Slovenije, Ljubljana, februar 2008. godine.

Analizom cjelokupnog prostora istraživanja zaključujemo gdje je rizik za nastanak negativnih uticaja na okoliš, zbog karakteristika prostora, veći ili manji. Tako identificiramo okolišno najprimjetnije lokacije za određene djelatnosti da bi izbjegli kasnije konflikte sa drugim korisnicima prostora, te zastupnicima javnog interesa.

Izabrana metodologija izrade Studije u skladu je sa odredbama okolišnog i prostornog zakonodavstva sa stručnim usmjerenjima u pogledu metodologije i pristupa te sa preporukama EU. Studija omogućava:

- provjeravanje skladnosti planskih prijedloga sa zahtjevima zaštite okoliša,
- strateško praćenje prostorno planskih dokumenata,
- smanjivanje subjektivnosti,
- jednostavno ažuriranje u slučaju unapređivanja baze podataka ili znanja.

Proizvodna i mješovita namjena te komunalne djelatnosti kao i saobraćaj pokazuju najviše opterećenje na ovom prostoru. Potrebno je u tom smislu za ove namjene uvesti savremene tehnike i tehnologije, savremena urbanistička i tehnička rješenja na nivou nižih planova i projekata.

Stoga je bitno naglasiti da je za planiranja na nižim nivoima potrebno raditi dodatna istraživanja (studije, elaborati i sl.) kako u pogledu zaštite okoliša, tako i za svaki drugi aspekt planiranja ako se zato ukaže potreba, da bi se dobila adekvatnija i preciznija rješenja na ovom prostoru.

Na osnovu čl. 18. i 40. i 41. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 17. februara 2011. godine, donijela je

ODLUKU

I.

Daje se saglasnost na tekst Sporazuma o saradnji između Kantona Sarajevo (Bosna i Hercegovina) i Varaždinske županije (Republika Hrvatska).

II.

Ovlašćuje se FIKRET MUSIĆ, premijer Kantona Sarajevo, da potpiše Sporazum iz tačke 1. ove Odluke.

III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-3723/11
17. februara 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. stav 1. tačka h) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 21. i 24. Zakona o budžetima -proračunima u Federaciji Bosne i Hercegovine ("Službene novine Federacije BiH", broj 19/06), člana 82. i 103. Zakona o zdravstvenom osiguranju ("Službene novine Federacije BiH", br. 30/97, 7/02 i 70/08), kao i člana 49. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", br. 4/00 i 18/02), Skupština Kantona Sarajevo, na sjednici održanoj 17. februara 2011. godine, donijela je

ODLUKU

O DAVANJU SAGLASNOSTI NA ODLUKU O PRIVREMENOM FINANSIRANJU ZA PERIOD 01.01. DO 31.03.2011. GODINE

I.

Daje se saglasnost na Odluku o privremenom finansiranju za period 01.01. do 31.03.2011. godine, broj UO/04 -9233-7/10, koju je donio Upravni odbor Zavoda zdravstvenog osiguranja Kantona Sarajevo na 19. sjednici održanoj 15.12.2010. godine, a koja je sastavni dio ove Odluke.

II.

Ova Odluka stupa na snagu danom donošenja, a objaviće se u "Službenim novinama Kantona Sarajevo".

Broj 01-05-3719/11
17. februara 2011. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 103. Zakona o zdravstvenom osiguranju ("Službene novine Federacije BiH", br. 30/97, 07/02 i 70/08), čl. 17. i 49. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", br. 4/00, 18/02 i 30/08) i člana 21. Zakona o budžetima u Federaciji Bosne i Hercegovine ("Službene novine Federacije BiH", broj 19/06, 76/08, 5/09, 32/09, 51/09, 9/10, 36/10 i 45/10), Upravni odbor Zavoda zdravstvenog osiguranja Kantona Sarajevo, na 19. sjednici održanoj 15. decembra 2010. godine, donosi

ODLUKU

O PRIVREMENOM FINANSIRANJU ZA PERIOD 01.01. DO 31.03.2011. GODINE

Član 1.

Finansiranje potreba iz obaveznog zdravstvenog osiguranja na području Kantona Sarajevo u periodu 01.01 do 31.03.2011. godine, odnosno do donošenja Finansijskog plana prihoda, rashoda i izdataka za 2011. godinu, vršit će se srazmjerno sredstvima utrošenim u istom periodu, odnosno najviše do tromjesečnog prosjeka za prethodnu fiskalnu godinu.

Član 2.

Odluka stupa na snagu danom dobijanja saglasnosti Skupštine Kantona Sarajevo i biće objavljena u "Službenim novinama Kantona Sarajevo", a primjenjuje se do dobijanja saglasnosti na Finansijski plan prihoda rashoda i izdataka za 2011.g. Zavoda zdravstvenog osiguranja Kantona Sarajevo.

Broj UO/04-9233-7/10
15. decembra 2010. godine
Sarajevo

Predsjednik
Upravnog odbora
Mirsada Selimović, s. r.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00 i 28/04) i člana 9. stav 2. tačka b) Odluke o osnivanju JU "Služba za zapošljavanje Kantona Sarajevo" - Sarajevo ("Službene novine Kantona Sarajevo", br. 11/00, 27/06 i 31/07), Skupština Kantona Sarajevo, na sjednici održanoj 17. februara 2011. godine, donijela je